



Inatsisartunut ilaasortaq

Malik Berthelsen

Siumut

-/maani

§ 37 naapertorlugu Malik Berthelsenimit apeqqummut 124-mut akissut

15. juni 2011
Sagsnr. 2011-051048
Dok. Nr. 647050

Asasara Malik Berthelsen

Postboks 1160

Tlf: 34 50 00

Fax: 32 55 05

3900 Nuuk

Email: pn@nanoq.gl

www.nanoq.gl

Ulloq 31/5 apeqqutit imaattut nassiuuppatit:

1. *Qaqiffinnut ukiumut aningaasaliissutigineqartartut 5 mio. kr. missaanik amerlasusillit sumut imaluunniit kikkunnut atorineqartarpat?*
2. *Sinerissami Peqqissaavinni teknikerit (atortunik iluarsaasartut) nunaqavissut atortunik passusinissamut pikkorissarneqartarnerlutik?*
3. *Nunatsinni sygesikringip atorineqalersinnaanera Naalakkersuisunit misissorneqarnikuunerluni?*

Apeqqutigisannut Naalakkersuisut qujapput.

Apeqqut 1 Qaqiffik pillugu

Kalaallit Nunaanni imigassamik ajornartorsiutilinnut katsorsaasarnermut atatillugu suli-niutinut tunngatillugu Peqqinnissaqarfik ukiumut 5 mio. kr.-inik tunineqartarpoq. Sullissi-nissamik isumaqatigiissuteqartoqarpoq, tassa imigassartorpallaarnermut katsorsaaviit Nuummiittup Ilulissaniittullu ingerlanneqarnerinut tapiissutinik Frederiksberg Center ApS tunineqartarmat. Katsorsaavinni pingaarnerutillugit imigassartorpallaarnermut katsorsar-tinnissaq aamma ilaqutariittut katsorsartinnissaq neqeroorutigineqartarput. Tapiissutit aningaasarsianut aamma ingerlatsinerimi aningaasartuutinut allanut, soorlu innaallagis-samut, imermut, kiassarnermut, allaffissornermut aamma katsorsartittut sinerissameer-sut ineqartinneqarnerinut il.il. atorineqartarput.

Apeqqut 2 sinerissami peqqissaanermi teknikkikut atortut iluarsarneqartarnerinut pikkorissaaneri pillugit

Sinerissami napparsimmaviit imermut, kiassarnermut silaannarissarnermut aamma illuu-tinut tunngatillugu ulluinnarni ingerlatsinerimi sulianik isumaginnittunik teknikkimut at-tuumassuteqartunik tamatigungajak sulisoqarput. Sulisut tamakku ilinniagarisimasaan-ut tunngaviusut siamasissumik inissisimapput; sanasut, mekanikerit, maskinistit, il.il. Sulisut tamakku peqqinnissaqarnermi teknikkikut atortunik iluarsaassineq sularineq ajorpaat.

"Peqqinnissaqarnermi teknikkikut atortut", tassa atortut medicoteknikkimut tunngasut iluarsarneqartarnerannut akisussaaffik, medicoteknikkimut immikkoortortami peqqinnis-saqarfiup ingerlatsinerimut immikkoortortaani Dronning Ingridip Napparsimmavissuani inissisimavoq. Medicoteknikkimik suliaqartut ingerlaavartumik ilinniartinneqartarput, soorlu Viborgimi Regionalhospitalilu suleqatigiinnissamik isumaqatigiissut aqutugalugu, aamma Danmarkimi nunatsinnilu pikkorissaanernik allanik pisinikkut kiisalu teknologinik nutaanik pisinermut atatillugu immikkut ittumik ilinniartitaanikkut.

Apeqquut 3 sygesikring (napparsimalersinnaanermut sillimmasiineq) pillugu

Napparsimalersinnaanermut sillimmasertarneq ileqquusumik nunani nammineq akiliilluni peqqinnissakkut sullinneqartarfiusuni pilersinneqartarpoq. Nunatsinni peqqinnissakkut sullissinerit akeqanngillat, taamaattumillu sullissinernik taamaattunik aaqqissuussilluni atulersitsinissamut, soorlu napparsimalersinnaanermut sillimmasiinerimik aaqqissuussi-nerup taamaattup qularnaarneqarnissaanut tunngavissaqanngilaq, peqqinnissaqarfimmi atuisut akiliisalernissaannik atuutilersitsissanngikkaanni.

2008-mi Inatsisartut Ukiaanerani Ataatsimiinnerannut atatillugu aalajangiiffigisassatut siunnersuutitut marlunnut peqqinnissaqarfiup sullissineranut tunngassuteqartunut sillimmasersimanissamut aaqqissuussinernut tunngasumik misissuisoqarpoq, tassani pineqarluni aaqqissuussinermik atulersitsisoqassagaluarpat napparsimalersinnaanermut sillimmasernerimi, soorlu nammineq akiliisalernissaq innuttaasunut qanoq sunniuteqas- sanersoq.

Misissuinerup takutippaa sillimmasertarneq eqqunneqassagaluarpat, aaqqissuussinerup pitsaaqutissartaanik aamma akornutissartaanik sillimmasernerup toqqarneqartup qanoq iluseqartitaanissaanut tunngatillugu peqqissaartumik misissueqqissaarinissaq pisaria- qartoq.

Aalajangiiffigisassatut siunnersuutit 2009-mi Inatsisartunut qinersinerup kingorna Inatsi- sartunut suliassanngortinneqaqqinngillat.

Inussiarnersumik inuulluaqqusillunga


Agathe Fontain



Inatsisartut suleriaasiat § 37 immikkoortoq naapertorlugu Naalackersuisunut imaattumik apeqquteqarniarpunga.

Naalackersuisunut Apeqqut:

- 1. Qaqiffinnut ukiumut aningaasaliisutigineqartartut 5 mio.kr. missaanik amerlassusillit sumut imaluunniit kikkunnut atorineqartarpat?**
- 2. Sinerissami Peqqissaavinni teknikerit (atortunik iluarsaasartut) nunaqavissut atortunik passusinissamut pikkorissarneqartarnerlutik?**
- 3. Nunatsinni sygesikringip atorineqalersinnaanera Naalackersuisunit misissorneqarnikuunerluni?**

(Inatsisartuni ilaasorta, Malik Berthelsen Siumut)

Tungavilersuutit:

Oqaatigineqartarpoq innuttaasut imigassamik ikiaroorartumilluunniit ajornartorsiuteqarnertik pissutigalugu katsorsartikkusukkaluarlutik itigartinneqartartut, kommunit akissaqannginnerat pissutigalugu.

Taamaattumik paaserusuppara Nunatta karsiata katsorsaavinnut akiliutigisartagi sumut kikkunnulluunniit tuttarlutillu iluaqutaasarnersut?

Tamatta nalunngisatsitut ullutsinni teknologi sukkasoorujussuarmik ineriartorpoq. Pingaartuuvorlu atortut nutaanngoraluttuinnarnerannut aamma nunaqavissut teknikerit atortunik passussinnaanissaminnut malinnaatinneqarnissaat.

Sygesikringip nunatsinni immaqa innuttaasut akileeqataanerisigut pilersinneqarsinnaanera Naalackersuisut misissornikuunerlugu? Taamaattoqarsimappat sutigut pitsaaquteqarlunilu akornutissartaqarnerseq misissorsimavisiuk?